

REVERENDISSIMO

ET

CELSISSIMO

S. R. I. PRINCIPI

AC DOMINO

D. ADAMO

FRIDERICO,

DEI GRATIA

EPISCOPO BAMBERGENSI

ET

WIRCEBURGENSI,

FRANCIAE ORIENTALIS DUCI

&c. &c.

*DOMINO, DOMINO MEO
CLEMENTISSIMO.*

REVERENDISSIMO

CELESTISSIMO

S. R. I. PRINCIPALI

AC DOMINO

D. ADAMO

FRIEDERICO

EPISCOPO HANNOVERENSI

WIRCEBRIENSI

MANCIAE GELSTADIS LUCI

IN DOMINO

AMEN

REVERENDISSIME
ET
CELSISSIME
S. R. I. PRINCEPS,
DOMINE DOMINE
CLEMENTISSIME!

*V*idi, numeravi & consideravi (pro viribus meis)
attentiùs felicissima Juventa, producta monu-
menta & opera, quæ bellarum Artium, æstheti-
carum æquè ac sublimiorum scientiarum Secta-
tores **TIBI REVERENDISSIME & CELSISSIME**
PRINCEPS! omnium suo Fautori, Protectori & Me-
cæ-

cœnati mutuâ æmulatione sacrificantes intrâ annos gloriosissimi regiminis TUI ad Principale solium proni deposuerunt; vidi inter cætera oblata TIBI producta Clientum almæ Picturæ, hinc & TUORUM, in quorum altero illecebrosa Harmonia colorum, in altero facunda delineatorum objectorum veritas, in altero ingeniosa Inventio aut inimpedita Coordinatio, in altero demum Risus idealis Gratiæ suaviter triumphabat; vidi Opera Architecturæ, hincque renascentem nobilem simplicitatem Palatiorum Romanorum, illinc ornamenta gratiosissima Corinthiæ, hinc fideles Imitationes Reliquiarum æstimatissimarum antiquæ Græciæ, illinc collectas Gustûs novioris Gratiâs:

Amici Heliconis deliciosos Florum Patriæ suæ Fasciculos TIBI collegerunt, si non eandem redoluere Odorum Fragrantiam, ac Arva Balsamica climatum vicinorum, scimus effluvia montis non eundem ubique Influxum habere; adhæc Eloquentia tam sacra quàm profana Defectum hunc (siquis est) abundè compensavit: genuit enim hæc Mater æsthetica in sinu Territorii TUI & CELSISSIMO NOMINI TUO inscriptas Panegyres ob nitorem stili, verborum selectum, & novitatem cogitatum invidendas: genuit æmulos ob soliditatem Ciceronianis & Demosthenicis Discursus Academicos: genuit Orationes sacras consummatis celeberrimorum Prædicatorum operibus ex omni parte parallelas. Et licet hæc multa sint, omnia non sunt: adjecerunt
su-

Super Altare communis oblationis opera Pragmatica Historici: adjecerunt solidissima & amœnissima inventa Philosophi: adjecerunt profundissimas sacræ Fidei & christianæ Moralis Expositiones Theologi: & indefessi Furium Patriæ & TUORUM Defensores immortales legum nostrarum Commentarios adjecerunt. Hæc vidi, numeravi, & obstupui multitudinem: consideravi, & miratus sum Perfectionis gradum, ad quem ferè cunctæ Eruditionis universæ Partes sub unius REVERENDISSIMAE CELSITUDINIS TUAE Auspiciis, Vigilantiâ, Ordinationibus & Munificentia ascenderunt: consideravi attentius, & lætatus sum valdè, vicens, quàm sapienter diversi hi operarii ad TE SAPIENTISSIMUM PRINCIPEM velut ad Centrum suum Radii concurrant, ut TU, qui omnium Scientiarum & Artium utilitatem excelsâ mente intueris, subsidiarias eorum operas ad communem Gregis TIBI concrediti Felicitatem dispendas.

Consideravi & exarsi innocuâ (ut puto) zelosiâ, & meam partem dirigente Clementissimâ voluntate TUA, quam ut sanctam & voluntatis divinæ interpretem semper veneratus sum, ad commune bonum conferendi: exarsi, & viâ Jurisprudentiæ, cui circumstantiæ & Gratosissimum Beneplacitum TUUM me destinasse videbantur, incesi, hac emensâ ad manifestandum TIBI, quo in Genere Reipublicæ fortè utilis esse possem, Expositionem Materiæ Juridicæ suscepi, & ecce præsens emerfit opelum;

lum: consideravi & hoc, imò sæpiùs reconsideravi, & hæsi, utrum dignum foret, me recensitæ offerentium turmæ immiscere, & donum adeo exiguum sceleto anatomico potiùs quàm operi elaborato simile ad Pedes TUOS deponere, dum hîc nec Amœnitas colorum, nec dulcis Harmonia, nec Fragrantia cogitationum, nec Lenocinia Eloquentiæ regnant; adhæc Methodum naturâ propè siccam & pluribus Novitate sua jam odiosam selegi; non unâ ergo ex causâ diutiùs hæsi, ne opus adeo imperfectum Conspectui TUO sisterem; verùm succrevit Spes & Animus pensanti mihi, quòd, cùm Anatomici non pulchra & harmoniosa, sed vera exhibendo placere subinpossint, etiam siccas, attamen ordinatè concatenatas has veritates Librorum Prohibitionem concernentes non planè rejecturus, & fortè Methodum, quæ ex præjudicio falso non nisi ignorantibus eam odiosa esse potest, TU, qui hæc Præjudicia vetustatis nunquam protegere consuevisti, gratiosissimâ TUA Approbatione justificaturus sis. Audeo igitur præsentis Paginas TIBI demississimè dedicare, & sub Inscriptione GLORIOSISSIMI NOMINIS TUI publicæ luci tradere, nunquam ausus, nisi ex Clementissimâ Concessione TUA.

Elevabitur exilitas muneris Celsitudine acceptantis, & quod ipsi deest pretium, à Principali Gratia, quâ & eruditos & erudiendos protegis, mutuabitur. Si tamen hîc nihil in Conspectu TUO acceptabile inveniretur, Intentionem saltem purissimam scribentis, affectum de-

*devotissimum offerentis, & vota ardentissima respice,
in qua pro incolumitate & diuturnitate vitae, pro aug-
mento virium & immortalis Glorïæ, pro Gloriosissimi
Regiminis non interrupta Felicitate, ac demum pro om-
nium cælestium Gratiarum Ubertate desinit*

**REVERENDISSIMAE
CELSITUDINIS
TUAE**

Sevus infimus, devotissimus ac obsequentissimus
Wenceslaus Strobel.